

**ТАСДИҚЛАЙМАН**

«Иссиқлик электр станциялари» АЖ  
Бошқарув раисининг ўринбосари

А.Т. Джураев  
«29» ноябрь 2022 й.



**Божхона тўловларини тўлаш учун фуқаролик жавобгарлигини  
суғурталаш бўйича**

**ЭНГ ЯХШИ ТАКЛИФНИ ТАНЛАШ  
ҲУЖЖАТЛАРИ**

---

**Буюртмачи: “Иссиқлик электр станциялари” АЖ**

**Тошкент-2022**

## Мундарижа

<b>1. Танлаш иштирокчилари учун йўриқнома</b> .....	3
1. Энг яхши таклифни танлашнинг предмети ва бошланғич нарх.....	3
2. Танлов ташкилотчиси .....	3
3. Танлаш иштирокчилари.....	3
4. Таклиф ва уни расмийлаштириш.....	4
5. Таклиф тақдим этиш муддатини узайтириш .....	4
6. Харид қилиш ҳужжатларига ўзгартиришлар киритиш .....	4
7. Таклифларни мезонлар асосида кўриб чиқиш тартиби .....	4
8. Томонларнинг жавобгарлиги ва махфийликка риоя қилиниши .....	6
9. Бошқа шартлар .....	6
<i>Иштирокчиларни малакасини баҳолаш тартиби ва мезонлари ва танлов таклифлари ..</i>	<i>7</i>
<b>2. ТЕХНИК ҚИСМ</b> .....	9
2.1. Хизматнинг номи.....	9
2.2. Асос ва мақсади. ....	9
2.3. Ишнинг ҳажми. ....	9
2.4. Ижрочининг мажбуриятлари.....	9
2.5. Ижрочига қўйилган талаблар. ....	9
2.6. Ишни бажариш ва топшириш шартлари.....	9
2.7. Хизмат кўрсатиш даври.....	9
<b>3. НАРХ ҚИСМИ</b> .....	10

## 1. ТАНЛАШ ИШТИРОКЧИЛАРИ УЧУН ЙЎРИҚНОМА

Ушбу харид қилиш ҳужжатлари Ўзбекистон Республикасининг 2021 йил 22 апрелдаги «Давлат харидлари тўғрисида»ги ЎРҚ–684-сон Қонуни (бундан буён – Қонун), Ўзбекистон Республикаси Вазирлар Маҳкамасининг 2022 йил 20 майдаги 276-сон қарори иловасининг «Давлат харидларини амалга ошириш билан боғлиқ тартиб-таомилларни ташкил этиш ва ўтказиш тартиби тўғрисидаги низом» талабларига мувофиқ ишлаб чиқилган..

### 1. ЭНГ ЯХШИ ТАКЛИФНИ ТАНЛАШНИНГ ПРЕДМЕТИ ВА БОШЛАНҒИЧ НАРХ

1.1. Танлаш предмети: **Божхона тўловларини тўлаш учун фуқаролик жавобгарлигини суғурталаш.**

1.2. Бошланғич нарх: **875 000 000 (Саккиз юз етмиш беш миллион) сўм ҚҚС билан.** Таклифда кўрсатилган нархлар бошланғич нархидан ошмаслиги керак.

1.3. Харид қилинадиган товарлар (хизматлар, ишлар) учун техник топшириқ танлаш ҳужжатининг техник қисмида келтирилган.

### 2. ТАНЛОВ ТАШКИЛОТЧИСИ

2.1. Энг яхши таклифларни танлашнинг (бундан буён – Танлаш) Буюртмачиси “Иссиқлик электр станциялари” АЖ (бундан буён – Буюртмачи) ҳисобланади. Буюртмачининг юридик манзили: Ўзбекистон Республикаси, Тошкент шаҳри, Чилонзор тумани, Бунёдкор шоҳ кўчаси 23 уй.

2.2. Ишчи орган: “Иссиқлик электр станциялари” АЖ харид комиссияси қуйидаги манзилда жойлашган: 100097, Республика Ўзбекистон Республикаси, Тошкент шаҳри, Чилонзор тумани, Бунёдкор шоҳ кўчаси 23 уй.

2.3. Шартнома эгаси: «Иссиқлик электр станциялари» АЖ.

2.4. Танлаш, «Иссиқлик электр станциялари» АЖ томонидан ташкил қилинган харид комиссиясининг энг камида беш аъзоси билан ўтказлади.

### 3. ТАНЛАШ ИШТИРОКЧИЛАРИ

3.1. Танлашда Ўзбекистон Республикасининг резидентлари ва норезидентлари бўлган юридик шахслар, ушбу ҳужжатда кўрсатилган шартларни бажарган (ушбу харид қилиш ҳужжатларининг 3.2-бандида санаб ўтилган шахслар бундан мустасно), шунингдек шу каби товарни (ишлар, хизматлар) етказиб бериш тажрибасига эга бўлганлар иштирок этишлари мумкин.

3.2. Қуйидаги иштирокчиларга танлашда иштирок этиш учун **рухсат берилмайди:**

- зарур ҳужжатларни белгиланган муддатда тақдим этмаган;
- буюртмачи билан суд ёки ҳакамлик муҳокамаси ҳолатида бўлган;
- инсофсиз ижрочиларнинг ягона реестрида бўлган;
- солиқлар ва бошқа мажбурий тўловларни тўлаш бўйича муддати ўтган қарзларга эга бўлган;
- харид қилиш ҳужжатлари талабларига жавоб бермайдиган малака ҳужжатларини тақдим этган.

3.3. Мажбурий ҳужжатлардан ташқари, иштирокчи ўзининг молиявий аҳволи, обрўси, иш тажрибаси ва бошқаларни ақс эттирувчи қўшимча маълумот ҳужжатларини тақдим этиш ҳуқуқига эга. Қўшимча ҳужжатларни тақдим этмаслик иштирокчини дисквалификация қилиш учун сабаб бўлиши мумкин эмас.

3.4. Буюртмачи қуйидаги ҳолларда иштирокчини харид қилиш тартиб-таомилларида иштирок этишдан четлаштиришга ҳақли:

- иштирокчи давлат харидлари жараёнида давлат буюртмачиси томонидан бирор-бир хатти-ҳаракатнинг содир этилишига, қарор қабул қилинишига ёки бирор-бир харид қилиш тартиб-таомилининг қўлланилишига таъсир ўтказиш мақсадида давлат буюртмачисининг ёки бошқа давлат органининг исталган ҳозирги ёки собиқ мансабдор шахсига ёки ходимига ҳар қандай шаклдаги ҳақни, ишга ёллаш тўғрисидаги таклифни ёхуд исталган бошқа қимматбаҳо ашёни ёки хизматни бевосита ёхуд билвосита таклиф қилса, берса ёки беришга розилик

билдирса;

- иштирокчи Ўзбекистон Республикаси Қонунчилигини бузган ҳолда адолатсиз рақобат устунлигига ёки манфаатлар тўқнашувига эга бўлса.

#### **4. ТАКЛИФ ВА УНИ РАСМИЙЛАШТИРИШ**

4.1. Танлашда иштирок этиш учун иштирокчи:

-[www.etender.uzex.uz](http://www.etender.uzex.uz) махсус ахборот порталида жойлаштирилган энг яхши таклифларни танлаш талаблари билан танишиш учун харид ҳужжатлари юклаб олиши керак;

-қонунчилик ва харид қилиш ҳужжатлари талаблари ва муддатларига мувофиқ таклифини тақдим этиши шарт;

4.2. Порталда эълон қилинган энг яхши таклифни танлашда иштирокчилар ўз таклифларини белгиланган тартибда юклайдилар.

4.3. Таклиф ва у билан боғлиқ бўлган иштирокчи ва Буюртмачи томонидан амалга ошириладиган барча ёзишмалар ва ҳужжатлар, давлат тилида ва, заруриятга қараб, бошқа тилларда бўлиши керак. Таклиф унга рус ёки ўзбек тилидаги таржимаси илова қилинган ҳолда бошқа тилда бўлиши мумкин. Таклиф матнида номувофиқликлар юзага келганда, бирдан ортиқ тил ишлатилганда, ўзбек ёки рус тиллари устунлик қилади. Техник ҳужжатларни инглиз тилида тақдим этилишига рухсат берилади.

4.4. Таклиф электрон шаклда тақдим этилади (рангли шаклда иштирокчининг имзоси ва муҳри билан).

4.5. Таклифлар аукцион бошланган кундан бошлаб [www.etender.uzex.uz](http://www.etender.uzex.uz) порталда кўрсатилган санагача электрон шаклда тақдим этилади

4.6. Энг яхши таклифни танлаш иштирокчилари таклифининг амал қилиш муддати таклифлар тақдим этилган кундан бошлаб камида 60 кун бўлиши керак.

#### **5. ТАКЛИФ ТАҚДИМ ЭТИШ МУДДАТИНИ УЗАЙТИРИШ**

5.1. Агар зарур бўлса, буюртмачи таклифларни тақдим этиш муддатини узайтириши, шунингдек танлаш иштирокчиларига ўз таклифларининг ҳақиқийлигини Харид комиссиясининг қарори билан маълум муддатга узайтириш таклифи билан мурожаат қилиши мумкин.

5.2. Таклифни тақдим этиш муддатини узайтириш тўғрисидаги эълон махсус ахборот порталида жойлаштирилади ва зарур ҳолларда буюртмачининг веб-сайтида ёки бошқа оммавий ахборот воситаларида эълон қилинади.

#### **6. ХАРИД ҚИЛИШ ҲУЖЖАТЛАРИГА ЎЗГАРТИРИШЛАР КИРИТИШ**

6.1. Зарурат бўлганда, буюртмачи харид қилиш ҳужжатларига ўзгартиришлар киритиш тўғрисида қарор қабул қилишга ҳақли.

6.2. Таклифлар бериш муддати тугайдиган санадан бир иш кунидан кечиктирмай танлаш бўйича харид қилиш ҳужжатларига ўзгартиришлар киритиш тўғрисида қарор қабул қилиниши мумкин. Бунда ушбу танлашда таклифларни тақдим этишнинг тугаш муддати камида уч иш кунига узайтирилади.

6.3. Товар (иш, хизмат) номи ёки унинг хусусиятларини ўзгартиришга йўл қўйилмайди.

6.4. Шу билан бирга, эълонда кўрсатилган ахборот ўзгартирилган бўлса, танлаш ўтказиш тўғрисидаги эълонга ўзгартиришлар киритилади.

#### **7. ТАКЛИФЛАРНИ МЕЗОНЛАР АСОСИДА КЎРИБ ЧИҚИШ ТАРТИБИ**

7.1. Эълонда танлов ўтказиш вақти сифатида кўрсатилган вақт, энг яхши таклифни танлашда харид комиссияси иштирокчилар томонидан тақдим этилган таклифларни юклаб олиш ва кўриб чиқиш учун.

7.2. Танлов иштирокчиларининг таклифларини кўриб чиқиш ва баҳолаш муддати таклифлар тақдим этишнинг охириги муддати тугаган кундан бошлаб ўн кундан ошмаслиги керак.

7.3. Таклифлар кўриб чиқиш вақтида вақтида барча ҳужжатларнинг мавжудлиги, намуналар ва уларнинг тўғри расмийлаштирилганлиги текширилади. Талаб қилинган

хужжатлар бўлмаган тақдирда, танлаш бўйича харид комиссияси ушбу таклифни кўриб чиқиш ва баҳолашга йўл қўймасликка ҳақли.

7.4. Харид комиссияси танлаш ғолибини аниқлаш учун рад этилмаган таклифларни харид қилиш ҳужжатларида кўрсатилган мезонлар асосида, қуйидагича баҳолайди:

- Иштирокчи ҳақида умумий маълумот – Тўлиқ маълумот тақдим қилган – 15 балл; 1-2 та маълумот тақдим қилинмаган – 10 балл; 3-4 та маълумот тақдим қилинмаган – 5 балл; Кам ва қониқарсиз маълумот тақдим қилган – 1 балл; Маълумот тақдим қилмаган – четлатилади.

- Иштирокчининг молиявий ҳолати - Корхона фойдаси 500 млн.дан юқоори бўлган фойда билан ҳисобот топширган, ҳисоботлари яхши – 5 балл; Корхона фойдаси 500 млн.гача бўлган фойда билан ҳисобот топширган, ҳисобот қониқарли – 3 балл; Корхона зарар билан ҳисобот топширган, ҳисобот қониқарсиз – 1 балл; Маълумот тақдим қилмаган – четлатилади.

- Антикоррупцион ариза – Тақдим қилинган – 5 балл; Маълумот тақдим қилмаган – четлатилади.

- Лицензия – Талаб қилинган лицензия тақдим қилинган – 15 балл; Лицензия талабга жавоб бермайди – 0 балл; Лицензия тақдим қилмаган – четлатилади.

- Иш тажрибаси – 5 ва ундан ортиқ тажриба тўғрисида маълумот тақдим қилинган – 25 балл; 3-4 та тажриба тўғрисида маълумот тақдим қилинган – 15 балл; 1-2 та тажриба тўғрисида маълумот тақдим қилинган – 5 балл; Ўхшамаган тажриба ва қониқарсиз маълумот тақдим қилган – 1 балл; Маълумот тақдим қилмаган – четлатилади.

- Миллий миқёсдаги тўлов қобилияти ва ишончилилик рейтинги – UZ A++ – 20 балл; UZ A+ – 10 балл; UZ A - 1 балл; Муддати ўтган ёки маълумот тақдим қилмаган – четлатилади.

- Солиқ ва бошқа мажбурий тўловлар бўйича қарздорлиги – Ҳужжатлар топширилиш кунига қадар 10 календарь кундан эрта бўлмаган муддатда Солиқ қўмитаси томонидан расмийлаштирилган солиқлар ва бюджетга бошқа мажбурий тўловлар бўйича қарздорликлар мавжуд эмаслиги ҳолатини тасдиқловчи ҳужжат тақдим қилган – максимал 5 балл олиш имкони бўлади. Бунда баллни электрон тизим аниқлайди; Қарздорлиги мавжуд, 10 календарь кундан эрта бўлган, ёлгон маълумот ёки ихтиёрий кўринишдаги хат тақдим қилган – автоматик тарзда тизим томонидан четлатилади.

- Бозордаги малакаси – Иштирокчининг бозорлаги малакаси 5 йил ва ундан юқори – 5 балл; Иштирокчининг бозорлаги малакаси 3 йилдан 5 йилгача 3 балл; Иштирокчининг бозорлаги малакаси 1 йилдан 3 йилгача - 1 балл; Иштирокчининг бозорлаги малакаси 1 йилдан кам 0 балл.

7.5. Агар танлаш иштирокчиси томонидан тақдим этилган ҳужжатларда келтирилган маълумотлар ишончсиз деб тошилган бўлса, Харид комиссияси бундай иштирокчини танлашда иштирок этишдан четлаштиришга ҳақлидир.

7.6. Таклифни баҳолаш ва танлаш ғолибини аниқлаш мезонлари мазкур танлаш ҳужжатида кўрсатилган мезонлар асосида амалга оширилади (2-илова).

7.7. Таклиф амалдаги Қонун ва харид қилиш ҳужжатлари талабларига жавоб берадиган бўлса, тўғри расмийлаштирилган деб тан олинади.

7.8. Агар таклифни тақдим этган иштирокчи амалдаги қонунда белгиланган талабларга ва харид қилиш ҳужжатлари талабларига жавоб бермаса Харид комиссияси уни рад этади.

7.9. Таклифни баҳолаш жараёнида буюртмачи танлов иштирокчиларидан уларнинг таклифлари ҳақида тушунтиришлар сўраши мумкин. Ушбу тартиб расман, ёзма равишда белгиланган тартибда танлаш ташкилотчиси орқали амалга оширилади. Тушунтириш жараёнида таклиф моҳиятида, шунингдек нархда ҳеч қандай ўзгаришларга йўл қўйилмайди.

7.10. Агар танлаш шартларига кўра танлаш иштирокчилари турли валюталарда таклифлар киритган бўлсалар, баҳолаш давомида таклифлар суммалари махсус ахборот порталида эълон қилинган санадаги (лотнинг бошланиш санаси) Ўзбекистон Республикаси Марказий банкнинг курси бўйича ягона валютада ҳисобланади.

7.11. Харид қилиш ҳужжатларида ва таклифларда кўрсатилган мезонлар асосида шартномани бажариш учун энг яхши шартларни таклиф қилган танлаш иштирокчиси ғолиб деб топилади.

7.12. Арифметик ёки бошқа хатолар мавжуд бўлганда, харид комиссияси танлаш иштирокчисини хабардор қилган ҳолда, харид таклифини рад этиш ёки уни кўриб чиқиш учун бошқа шартларни аниқлаш ҳуқуқига эга.

7.13. Хорижий ва маҳаллий Танлов иштирокчилари нархларини тўғри таккослаш учун баҳолашда Ўзбекистон Республикасининг амалдаги қонунчилигида назарда тутилган ҳолларда тегишли харажатлар (солиқлар, божхона тўловлари ва бошқа мажбурий тўловлар) ҳисобга олинади. Бундан ташқари, агар бошланғич нархи хорижий валютада кўрсатилган бўлса, Ўзбекистон Республикасининг амалдаги қонунчилигида назарда тутилган ҳолларда тегишли харажатлар (солиқлар, божхона тўловлари ва бошқа мажбурий тўловлар) ҳисобга олинган ҳолда ҳам қайта ҳисоблаб чиқилади.

7.14. Таклифларни кўриб чиқиш ва баҳолаш натижалари баҳолаш баённомасида қайд этилади.

7.15. Таклифларни кўриб чиқиш ва баҳолаш баённомаси харид комиссиясининг барча аъзолари томонидан имзоланади ва ундан кўчирма имзоланган кундан уч иш кунида махсус ахборот порталига жойлаштирилади.

7.16. Танловнинг ҳар қандай иштирокчиси таклифларни кўриб чиқиш ва баҳолаш баённомаси эълон қилинганидан кейин буюртмачига танлов натижаларини аниқлаштириш учун сўров юборишга ҳақли. Буюртмачи бундай сўровни олган кундан бошлаб уч иш куни ичида танлов иштирокчисига тегишли тушунтиришларни тақдим этиши шарт.

## **8. ТОМОНЛАРНИНГ ЖАВОБГАРЛИГИ ВА МАХФИЙЛИККА РИОЯ ҚИЛИНИШИ**

Ўзбекистон Республикаси қонунчилигига мувофиқ қуйидагилар жавобгар бўладилар:

- ишчи орган таркибига кирувчи таклифларнинг ҳисобини юритувчи, уларнинг сақланиши ва махфийлигини таъминловчи шахслар;
- маълумотларни ошқор қилиш, иштирокчилар, комиссиянинг бошқа аъзолари ва жалб қилинган экспертлар билан тил бириктиришга йўл қўйиш, шунингдек бошқа қонунга хилоф ҳаракатлар қилиш учун комиссия раиси ва аъзолари, ҳамда, таклифларни ўрганиш учун тузилган ишчи гуруҳ аъзолари,;
- танлов ғолиби, шартнома бўйича мажбуриятларини (миқдорий, сифат ва техник кўрсаткичлар бўйича) бажармаган шахс Ўзбекистон Республикаси қонун ҳужжатларига ва/ёки тузилган шартнома шартларига мувофиқ жавобгар бўлади

## **9. БОШҚА ШАРТЛАР**

9.1. Агар танлашда аввал Ўзбекистон Республикаси ҳудудида кўрсатилмаган хизмат тақиф қилинаётган бўлса, Харид комиссияси танлаш иштирокчисидан илгари кўрсатилган хизматлар бўйича учинчи шахслардан фикр-мулоҳазаларни сўрашга ҳақли.

9.2. Танлашда иштирок этиш истагини билдирган иштирокчилар, ўтказилаётган танлаш бўйича тушунтириш олиш учун Буюртмачи билан боғланиш ҳуқуқига эга.

9.3. Танлаш иштирокчиси танлаш бўйича харид қилиш ҳужжатларидаги талабларни тушунтириш талаби билан давлат буюртмачисига очиқ электрон чат орқали сўров юборишга ҳақли. Давлат буюртмачиси сўров тушган санадан эътиборан икки иш куни ичида ушбу сўровга очиқ электрон чат орқали тушунтириш юбориши шарт. Танлаш бўйича харид қилиш ҳужжатларининг қоидаларига доир тушунтиришлар уларнинг мазмун-моҳиятини ўзгартирмаслиги керак.

9.4. Танлаш қуйидаги ҳолларда харид комиссияси томонидан ҳақиқий эмас деб топилиши мумкин:

- танлашда битта иштирокчи қатнашган бўлса ёки ҳеч ким қатнашмаган бўлса;
- агар таклифларни кўриб чиқиш натижаларига кўра, харид комиссияси барча таклифларни харид қилиш ҳужжатлари талабларига мос келмаслиги сабабли рад этган бўлса.

9.5. Буюртмачи ғолиб бўлган таклифни қабул қилишдан олдин исталган вақтда танлашни бекор қилиш ҳуқуқига эга. Танлаш бекор қилинган тақдирда, буюртмачи ушбу қарорнинг асосли сабабларини махсус ахборот порталда эълон қилади.

## **10. ШАРТНОМА ТУЗИШ**

10.1. Танлаш натижаларига кўра, шартнома харид қилиш ҳужжатларида кўрсатилган шартнома шартлари асосида тузилади.

10.2. Танлов бўйича харид комиссиясининг қарори билан танлов голиби деб эълон қилинган танлов иштирокчиси буюртмачидан тегишли ёзма хабар олади.

10.3. Агар танлаш голиби танлаш шартлари бўйича шартнома тузишдан бош тортса, шартнома тузиш ҳуқуқи захира ижрочига ўтади. Бундай ҳолда, захира ижрочи танлаш голиби томонидан таклиф қилинган нарх бўйича шартнома тузади ёки шартнома тузишдан бош тортиши мумкин.

2-сонли илова

## Иштирокчиларни малакасини баҳолаш тартиби ва мезонлари ва танлов таклифлари

### Танлаш иштирокчиларини баҳолаш мезонлари

№	Мезонлар	Категория оғирлиги %	Категория оғирлиги %
1.	<b>Техник баҳолаш</b>	<b>70%</b>	<b>100%</b>
1.1	Иштирокчи ҳақида умумий маълумот; (Иштирокчи юридик манзили, банк реквизитлари, асосий фаолият тури, таъсисчилар ва Бенефициарлар тўғрисида (таъсисчилар ва бенефициарларнинг тўлиқ номи ва СТИР), устав нусхаси, корхона раҳбарининг паспорт нусхаси ҳақида маълумот бериши керак. Маълумотлар тўлиқ топширган иштирокчи комиссия қарорига асосан юқори балл олиши мумкин ёки аксинча тўлиқ бўлмаган маълумот учун иштирокчи комиссия қарорига асосан юқори баллдан кам балл олиши мумкин. Маълумот тақдим қилмаган иштирокчи танлашдан четлатилади.)		Минимал 0 балл Максимал 15 балл
1.2	Иштирокчининг молиявий ҳолати; (Иштирокчи 2020-2021 йиллар учун тасдиқланган (қабул қилинган) йиллик Ф1 ва Ф2 молиявий ҳисоботларини тақдим этиши керак. Комиссия, тақдим қилинган ҳисоботлар орқали иштирокчиларнинг молиявий барқарорлиги ва натижадорлиги бўйича баҳолайди.)		Минимал 0 балл Максимал 5 балл
1.3	Антикоррупцион ариза; (Иштирокчи коррупцион ҳолатларга ва ҳаракатларга йўл қўймаслик, уни олдини олиши тўғрисида ариза тақдим этиши керак. Ариза тақдим қилмаган иштирокчи танлашдан четлатилади.)		Минимал 0 балл Максимал 5 балл
1.4	Лицензия; (Иштирокчи суғурта фаолияти билан шуғулланиши учун ваколатли давлат органи томонидан берилган лицензия нусхасини тақдим қилиши керак (лицензияда жавобгарлик суғурталаш турининг мавжудлиги.)		Минимал 0 балл Максимал 15 балл
1.5	Миллий миқёсдаги тўлов қобилияти ва ишонччилик рейтинги; (Иштирокчи миллий миқёсдаги тўлов қобилияти ва ишонччилик рейтинги бўйича амалдаги сертификат тақдим этиши керак.)		Минимал 0 балл Максимал 20 балл
1.6	Солиқ ва бошқа мажбурий тўловлар бўйича қарздорлиги; (Иштирокчи ҳужжатлар топширилиши кунига қадар 10 календарь кундан эрта бўлмаган		Минимал 0 балл Максимал 5 балл

		<i>муддатда расмийлаштирилган солиқлар ва бюджетга бошқа мажбурий тўловлар бўйича қарздорликлар мавжуд эмаслиги ҳолатини тасдиқловчи ҳужжат тақдим этиши керак).</i>		
	1.7	<i>Бозордаги малакаси; (Иштирокчи ташилот давлат рўйхатидан ўтганлик гувоҳномасини тақдим қилиши керак. Бунда ташилотнинг бозордаги ишлаб келаётган йиллиқ даврига нисбатан баҳоланади).</i>		Минимал 0 балл Максимал 5 балл
	1.8	<i>Иш тажрибаси; (Иштирокчи охириги шунга ўхшаш хизматларни кўрсатишида етарли тажрибаси тўғрисида маълумот (шартнома нусхалари ёки шини қабул қилиши далолатномалари) тақдим қилиши керак;)</i>		Минимал 0 балл Максимал 25 балл
<b>2.</b>	<b>Нархларни баҳолаш</b>		<b>30%</b>	<b>100%</b>

**Эслатма:** Таклиф электрон шаклда тақдим этилади, асл ҳужжатдан сканерланади, иштирокчининг имзоси ва муҳри билан рангли форматда (танлов золиби шартнома билан асл ҳужжатларни олиб келиши керак)



## **2. ТЕХНИК ҚИСМ**

### **2.1. Хизматнинг номи.**

Божхона тўловларини тўлаш учун фуқаролик жавобгарлигини суғурталаш.

### **2.2. Асос ва мақсади.**

Ўзбекистон Республикаси Давлат Божхона қўмитасининг Фарғона вилояти бўйича бошқармасининг 2022 йил 19 ноябрдаги 8/05-22-04520-сонли хатига асосан импорт товарларга божхона тўловларини кечиктириб, 2023 йил ноябр ойига қадар тўлаш учун фуқаролик жавобгарлигини суғурталаш.

### **2.3. Ишнинг ҳажми.**

Суғурта поллоси Тошкент иссиқлик электр станцияси учун қиймати **30 000 000 000 (ўттиз миллиард)** сўм миқдоридаги божхона тўловларини тўлаш учун фуқаролик жавобгарлигини суғурталаш ҳамда Фарғона иссиқлик маркази учун қиймати **5 000 000 000 (беш миллиард)** сўм миқдоридаги божхона тўловларини тўлаш учун фуқаролик жавобгарлигини суғурталаш хизматидан иборат.

### **2.4. Ижрочининг мажбуриятлари.**

Буюртмачидан суғурта даъволари бўйича аризаларни қабул қилиш ва беш кун ичида бажариш.

Буюртмачининг талабига биноан суғурта ҳодисаси тан олинган ва тасдиқланган тақдирда, аризани бажариш вақтида ўн кун ичида суғурта қопламасини тақдим этиш.

Хизматлар кўрсатиш жараёнида ахборотнинг махфийлиги ва Ўзбекистон Республикасининг махфийлик тўғрисидаги қонун ҳужжатларига риоя этилиши.

### **2.5. Ижрочига қўйилган талаблар.**

Ижрочи суғурта фаолиятида қўп йиллик тажрибага эга бўлиши;

Суғурта фаолияти билан шугулланиш учун ваколатли давлат органи томонидан берилган лицензия эга бўлиши (лицензияда жавобгарлик суғурталаш турининг мавжудлиги);

Миллий миқёсдаги тўлов қобиляти ва ишончлилик рейтинги, UZ A мавжудлиги;

Буюртмачи билан суд ёки ҳакамлик муҳокамаси ҳолатида бўлмаслик;

Инсофсиз ижрочиларнинг ягона реестрида бўлмаслик;

Солиқлар ва бошқа мажбурий тўловларни тўлаш бўйича муддати ўтган қарзларга эга бўлмаслик.

### **2.6. Ишни бажариш ва топшириш шартлари.**

Ижрочи суғурта поллосини ҳар бир иссиқлик электр станцияси ва маркази учун алоҳида, 1 (бир) йил муддатга тақдим этади. Ижрочи суғурта поллосини тўлов амалга ошгандан сўнг, 3 кун ичида тақдим қилади.

### **2.7. Хизмат кўрсатиш даври.**

Хизмат кўрсатиш даври 1 (бир) йил

### 3. НАРХ ҚИСМИ

1	Нархи	875 000 000 (Саккиз юз етмиш беш миллион) сўм ҚҚС билан.
2	Молиялаштириш манбаи	“Иссиқлик электр станциялари” АЖнинг ўз маблағлари
3	Тўлов валютаси	Сўм, Ўзбекистон Республикаси миллий валютаси
4	Тўлов шартлари	Олдиндан тўлов – 100%
5	Танлаш таклифини амал қилиш муддати	30 кун
6	Закалат миқдори	Танлашнинг бошланғич нархининг умумий суммасидан 1 %

Бошқарув раисининг ўринбосари

Ф. Шаисматов

Юридик бўлим бошлиғи

М. Насиров

БЭШРЭК бўлими бошлиғи

Б.Нишонходжаев

Бош ҳисобчи

А. Аҳмаджонов

БГИЭҚ бўлими бошлиғи

Н. Юсупов

АКТБ бошлиғи

Б. Нишанбаев

ХТ офиси бошлиғи

М. Сабилов